

# Kontuola

ANTZUOLA / Egubakoitza / 2001eko irailaren 12a / 169. zenbakia

KOORDINATZAILEA: Aintzane Irizar • Barrenkalea 33 20570 BERGARA • Tel.: 943 76 03 97 • Faxa: 943 76 29 77 • Posta elektronikoa: kontuola@goiena.com • Lege gordailua: SS1179/02

## Beasain-Durango autobiarearen maketa ikusgai dago osoko bilkuren aretoan

AINTZANE IRIZAR

Zumarraga eta Bergara arteko zatiari dagokion maketa eta proiektua jarri ditu ikusgai Gipuzkoako Foru Aldundiak udaletxeko osoko bilkuren aretoan. Hilabete osoan egongo da ikusgai erakusketa hori, goizeko zortzietatik arratsaldeko hiruretara.



Deskarga gainean tunela egingo dute, eta Ipurrietekan lotune bat egongo da.

### TUNEL BAT ETA BOST ZUBI-BIDE

Deskarga gainean tunela egingo dute, eta 620 bat metro luze izango da tunel hori. Bestalde, bost zubi-bide egingo dituzte Antzuolako lurretan: Ipurrietekakoa, Antiguakoa (Goizper gainean),

Lapatzakoa, Aristi baserriaren parekoa eta Igeribarrerrotakoa, hain zuzen ere.

Ipurrieteka parean, bestalde, gaur egungo errepidearekin lotuko da autobia. Antzuolak izango duen beste lotunea, berriz, Igeri-

barrerota parean egongo da, Bergarako saihebidetaren hasten den inguruan. Hasiara baten proiektuak ez zuten zehazten Ipurrietekako lotunea, baina Udalaren eskaerari erantzunez lotune hori gehitu zioten proiektuari.

Beasain-Durango autobiarearen Zumarraga eta Bergara arteko zatia nondik pasatuko den eta zelakoa izango den; horixe ikus dezakegu egunotan udaletxean.

Foru Aldundiko arduradunek espero dute 2007. urtean hasiera errepide horretako lanekin; erakusketa orain jartzeko arrazoiak da alegazioak aurkezteko epea hil honetan bukatzen dela. Gauzak horrela, herritarrek proiektua zehaztasun osoz ezagutzeko aukera dute orain, eta, behar izanez gero, Hirigintzako teknikarien laguntza izango dute, alegazioak egiteko.

Horren harira, hasiera baten noranzko bakoitzerako errei bana egitea zehaztu zuten, baina gaur egungo proiektuan noranzko bakoitzerako bina errei egitea jasotzen da.

## HERRITARREN HITZA / Maripi Jauregi • Irakaslea

### Kurtso berria, eskaera zaharrak

Aurtengoak inoiz baino azkarrago joan direla! Pasa direla!. Urtean zehar hainbeste aldiz aipatutako eta hainbeste desiotako opor horrek bukatu dira. Ze perezia berriro eguneroko trajin horretan hasteko, izan ere, gorputza ze bizkor moldatzen dan egoera lasaietara, aldiz, kostatzen jako berriz motorrak berotzea. Baina martxan jartzea kosta edo ez, egin beharra dago. Beraz ilusiñoz eta gogoz hasi deigun kurtso berri hau.

Eta kurtso berrixakin batera, udalbatza estrenau berrixa be badou eta nik

berrixak ez dien bi eskaera egin nahiko notzake berriz: pizina edo udan bainau ahal izateko putzutxo bat eta autobusa. Ze triste gelditzen dan gure herrixa udako arratsaldetan ume danak inguruko herrittako pizinetara joaten diranian bainatzera! Zer egingo dabe ba hemen? Antzuolaren neurrikuak edo txikixauak diran beste herri batzuk badauke ba? Eta pizina posible ez izanda, ezingo litzake



**“Bi eskaera egin nahiko notzake udalbatzari: pizina eta autobusa”**

txikixa izanik, beste herriekiko dependentzia (kulturala, komertziala,...) haundixa dauka

herriko erreka edo presaren bat egokitxu? Holako potzutxo bat eukitziak beste bizittasun bat emongo lotsake herrixai eta jentia sakabanatuta ibili biharrian bakoitza bere erara danok bilduago eta elkartuago egongo ginake.

Bigarren eskaera, autobusarena. Antzuolak, herri

eta horregatik herrittik irten biharra eukitzen dou gauza askotarako. Eta irten bihar honetan guztiz mugatuta gare bakoitzak geure kotxiak erabiltzera. Zergatik? Ez al dittugu guk beste edozeinek bezela zergak pagatzen? Ez al dauzkagu eskubide berdinak? Badirudi ezetz. Atenditzen dien eskaerak kolektibo haundixenak dia, eta hortik kanpo bazare ba...bi aukera: insumisio fiskala praktikan jartzia (ezinezkoa) edo bihar dan lekutan indar gehixagoz eskatzia. Eta badakit erreza dala gauzak eskatzia baina, guk zergatik ez?

## LABUR

### Erretiratuek bidaia antolatu dute Peñiscolara

Zortzi eguneko bidaia antolatu dute erretiratuek eta 210 euro ordaindu beharko ditu bakoitzak. Bidaia joan nahi dutenek irailaren 20a baino lehen eman beharko diote izena Erretiratuen Elkarte batordeko kideren bati. Oraindik ez dute zehaztu noiz izango den bidaia.

### Antzuola Herria Ikerketa Bekarako deialdia

Herriko toponimia jaso eta finkatzea izango da Antzuola Herria Ikerketa Bekaren aldi honetako helburua. Lan hori egiteko interesa dutenek urriaren 30a baino lehen aurkez dezakete euren proposamena eta bekarako eskaera udaletxean. Bekadunari 12.020 euro emango dizkiote.

### Arropa batzeko edukiontzia jarri dute Aiherran

Aurreko astean jarri zuen Mankomunitateak edukiontzia zuria Olanaren ostean, Aiherra kalean. Arropa, oinetakoak, gerrikoak, oihalak, izarak, eta abar laga daitetzeko edukiontzia horretan. Bildutakoa irabazi asmo bariko erakundeek emango zaie, materiala kudea dezaten.

### Osoko bilkurak hileko lehenengo egubakoitzetan

Aurreko asteko KONTUOLAn uztaileko osoko bilkuran hartutako erabaki baten berri eman genizuen: osoko bilkurak 08:00etan izango direla. Albiste horretan akats bat egin genuen: bilkurak hileko azkeneko egubakoitzetan egingen direla azaldu genizuen, baina hileko lehenengo egubakoitzetan izaten dira.

## ELKARRIZKETA

ANTONIO JURADO ETA MODESTO CACERES/EUSKARA IKASLEAK

*"Euskara ikasleondako zailena da ikasitakoa praktikan jartzea"*

**A**ntoniok eta Modestok euskara ikasten dihardute orain dela ia hiru urtetik. Antoniok 59 urte dauzka eta Carlotan (Kordoba) ikasitakoa da; Modesto, berriz, Quintana de la Serenakoa (Badajoz) da eta 57 urte dauzka.

Zergatik hasi zineten euskara ikasten?

Antonio: Semeek beti animatu izan naute euskara ikastera, eta orain dela ia hiru urte hasi nintzen. Gazte erretiratu nintzen, eta euskara ikasten hastea erabaki nuen; behin erretiratuta, denbora libre asko daukat. Oso gustura nabil Akulu euskaltegian, Bergaran, eta eskola guztietara joaten naiz; hasi nintzenetik ez dut egun bakar baten ere hutsik egin.

Modesto: ETB ikusteko, *Goienkaria* eta *Kontuola* irakurtzeko... Horrelako gauzak egin ahal izateko hasi nintzen.

Askok esaten dute oso zaila dela euskara ikastea. Zer da zailena?

A.: Ez da erraza, baina orain, dagoeneko, bidea ikusten ari gara esan dezakegu. Niretako aditza dira zailenak, baina poliki-poliki aurrera goaz. Ikasitakoa praktikan jartzea ere zaila izaten da: hitz egitea zaila da.

M.: Egia da; gainera, herrian bertako euskalkia erabiltzen du jendeak, eta guk euskara batua ikasten dugunez, are eta zailagoa da ikasitakoa kalean erabiltzea. Dena dela, gero eta gehiago hitz egiteko gai naiz, eta baita irakurtzen dudana ulertzeko ere.

Zelan jartzen duzue praktikan euskara?

M.: Tebistan askotan ikusten ditut futbol partiduak, eta esan bezala, irakurtzen ere saiatzen naiz. Batzuetan, seme-alabekin hitz egiten dut, baina ez asko. Eurekin gaztelaniaz hitz egiten ohituta nago, eta ez da erraza izaten ohiturak aldatzea.



*"Gero eta gehiago hitz egiteko gai naiz; baita irakurritakoa ulertzeko ere"*  
MODESTO CACERES

A.: Nik Erretiratuen Elkartearen euskaraz hitz egiten dut jendearekin; gehienek euskaraz egiten didate. Erosketak ere euskaraz egiten saiatzen naiz; harategian, esaterako, dena egiten dut euskaraz. Semearekin ere dena egiten dut euskaraz.

*"Hilabete osoa egin dut Lazkaoko barnetegian, eta asko ikasi dut"*  
ANTONIO JURADO

Zu, Antonio, Lazkaoko barnetegian egon zara udan. Zer moduz?

A.: Bai, hilabete osoa egin dut hantxe, egunean sei ordu eskolak jasotzen. Oso gustura egon naiz, asko ikasi dut, baina, egia esan, nahiko gogorra izan da.

## IKASTAROAK

## Gimnasia eta aerobik ikastaroak irailetik

AINTZANE IRIZAR

Gimnasia eta aerobik ikastaroak astelehenean, hilak 15, hasiko dituzte. Oraindik badago izena emateko aukera. Gimnasia ikastaroa astelehen, eguazten eta eguenetan izango da, 19:15etik 20:15era. Aerobik saioak ere egun horietan izango dira, baina hainbat ordutegi daude aukeran: 09:00etatik 10:00etara, 15:00etatik 16:00etara, 18:15etik 19:15era eta 20:15etik 21:15era. Erretiratuek astelehen eta eguenetan izango dituzte gimnasia saioak, 10:00etatik 11:00etara.

Goizeko saioak eta astelehenetakoak Eguzki auzoko lokalean izango dira; gainerakoak, berriz, Herri Ikastetxean.

Matrikula 18 euro ordaindu behar da, eta hileko kuota 15 eurokoa da. Kurtso osoa egiten dutenei, itzuli egingo zaie matrikula.

## YOGA, PINTURA ETA ESKULANAK

Urriaren 2an yoga, pintura eta eskulan ikastaroak hasiko dira. Yoga ikastarorako bi aukera daude: astelehen eta eguaztenetan 19:00etatik 20:30era eta martitzen eta eguenetan, berriz, 15:00etatik 16:30era. 30 euro ordaindu behar da matrikula, eta hileko kuota 15 eurokoa izango da. Eskulan ikastaroa eguenetan izango da 15:15etik 17:15era, eta 90 euro ordaindu behar da. Pintura ikastaroa, azkenik, eguenetan izango da, 18:00etatik 20:00etara, eta 90 euro ordaindu behar da.



## Tomate bakarrak, 1,440 kilo

Sekulako tomateak dauzka Antiguako errotako Florentinok. Aurreko astean 1,440 kiloko tomateak jaso zuen. Zeukan pisua erekin, guztiz heldu baino lehen erori zen landaretik, baina dagoeneko jateko moduan dago. Baina, ez pentsa, tomate handi bakarra denik; begira ezazue argazkian, landarean zelako bi tomate dauden! Kilo bat ingurukoak dira biak./A.I.

SUKALDEKO ALTZARIAK  
**Harizki**

MUEBLES  
IGEA

Sukalderako eta bainurako altzariak  
Altzari rustikoetan  
espezializatuak

DEKORAZIOA  
**ABAD**  
PINTURAK  
ANTZUOLA  
PAPER PINTATUAK

Jose  
Gomez  
Abad

Errekalde 6, 4-B.  
Antzuola  
943 76 60 19  
943 76 60 43  
Faxa:  
943 76 60 19

INDUSTRI MANTENIMENDUA

Zurategi plaza 4, behea. ANTZUOLA. Tel. eta faxa 943 78 71 80